



UKA 2017/60

11/10-2017

Nivi Olsen

Immuup sukkuaniq sapingaqrnerup annertussusaaniq misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermit ilanngunneqassapput innuttaasut immuup sukkuaniq sapingallit iluaquserniarlugit suliniutit suut aallartinneqarnissaannut innersuussutit.

(Inatsisartunut ilaasortaq Randi Vestergaard Evaldsen, Demokraatit)
(Siullermeerneqarnera)

Matumani siunnersuutip pisatta Peqqissutsimut Naalakkersuisup isigineqarnera ajornerulersippaa. Naluneqanngitsutut Naalakkersuisut eqqortumik oqaluttussaapput aamma paasisstissat pigisat saqqummiunneqartussaapput. Ilisimasat pingaarutillit Inatsisartunut noqinneqartussaangillat.

Matuma siunnersuutip piareersarneranut atatillugu Inatsisartunut ilaasortaq Randi Vestergaard Evaldsen Naalakkersuisunut § 37 tunngavigalugu apeqquteqarpoq. Apeqqut nor. 2017-180).

Peqqissutsimut Naalakkersuisup akissutaani ersarissumik atuarneqarsinnaavoq, naatsorneqarsimanngisaannartoq Kalaallit Nunaanni inuit qassit immuup sukkuaniq sapingaqrnersut.

Akissulli eqqunngitsoq paasinarsivoq.

Ungami siunnersuummut akissuteqarnermini Peqqissutsimut Naalakkersuisoq allappoq 1969-mi 2015-milu misissuinerit paasinarsitikkaat inuppassuit immuup sukkuaniq sapingaqrartut.

Misissuinerillu taakku Peqqissutsimut Naalakkersuisoqarfiup 2012-mi paasititsiniaanermut atortussaniq sananermi tunngavigisimassavai, tassani inerniliunneqarmat, innuttaasut kalaallit 55 %-iisa annermik minnermilluunniit immuup sukkuaniq sapingaqrartut. Quppersagaq uani nassaarineqarsinnaavoq:
http://peqqik.gl/Emner/Livsstil/Kost/Laktose_Sakkarose_Intolerans?sc_lang=da-DK

Peqqissutsimut Naalakkersuisup akissutai ajorluinnarput aamma kaammattorusuppara sullarlussimanini pillugu Inatsisartunut utoqqatsissuteqassasoq. Demokrati tunngavigalugu sulinermi pingaaruteqarluinnarpoq paasisstissiissutit paasisstissallu Naalakkersuisuneersut uppernartuunissaat.

Peqqissutsimut Naalakkersuisup sullarlunnerata allanngortinngilaa pisariaqartoq misissuutitsisoqarnissaa innersuussutitalerlugu innuttaasut immuup sukkuaniq sapingallit qanoq ikiorneqassanersut. 2012-mi paasiniaatitsinermi kisitsisit eqqorsimappata, taava innuttaasut affaat (55 procentit) sapingaqrartut. Taamaattumik ajornartorsiut angisuupilussuavoq. Demokraatit isumaat naapertorlugu pisariaqarpoq sapingaqrnerup sukumiinerusumik paasisaqarfiginissaa, ajornartorsiut pitsaanerpaamik iliuuseqarfiginnaajumallugu.



Matumani naggataatigut oqaatigerusuppara, nunarsuarmi kisiartaannginnatta immuup sukkuanik ajornartorsiuteqartuni. Saamit, sananeqaatigut uangutsinnut eqqaanartut aamma immummik sanaat sulluunniit ajornartorsiutigaat. Saamit akornanni misissuinerup takutippaa, sananeqaatikkut assigiingissutsit pissutaasinnaasut sorlernik inuussutissanik toqqaasariaqartarnermut. Tassani aamma nassuiaatigineqarpoq, saamit aallaaniartuusut, tassa uangutsitullu neqituumasuusut, saamillu akornanni paasineqarnikuuvoq, saamit 60 %-t missaasa immuup sukkua sapersaat.

Immaqa iluassagaluarpoq saamit saaffigineqartuuppata paasiniarlugu ajornartorsiut qanoq iluarsiiviginiarsimaneraat? Pitsaanerussajunnarsivorli Naalackersuisutut iliornermit. Naalackersuisummi innuttaasut 55 % -ii immuup sukkuanik sapingallit ikiorusunnigilaat.

Neriuppunga Inatsisartuni amerlanerussuteqartut Naalackersuisut akerlilernissaat piomassuseqarfigumaaraat peqqullugillu ajornartorsiut sukumiisumik suliareqqullugu.

Taamatut oqaaseqarluta siunnersuut suliareqqitassanngorlugu Ilaqutariinnermut Peqqissutsimullu Ataatsimiititaliamut innersuupparput ajornartorsiut itisilerneqaqqullugu.